

E L E G I A  
IN SEQVENTES DVO-  
RVM PRINCIPVM  
IMAGINES.

**H**IC efficta Ducum cernens simulachra duorum  
Principio nostri diradiare libri;  
Fortè rogat caussam : grauis est & idonea : doctis  
Iungi, Principibus res perhonestas, viris.  
Tam Periander erat ( tenuit qui sceptras Corinthj )  
Doctus, vt Hellanicis additus inde Sophis.  
Magnanimus Princeps FRIDERICVS & inclytus Heros,  
Qui VVurttembergi Duxq;, Parensq;, solj,  
Nouerat, ingenij quantum cultura subacti  
Principibus posset conciliare decus.  
Nouerat, alma domi quantum doctrina valeret,  
Et bellis eadem quàm foret apta foris.  
Nôrat, Romulidûm qui primus conditor Urbis,  
Cum Remo studijs fratre vacasse suo.  
Faustulus id Pastor Gabia curârat in vrbe :  
Hinc melius regno præfuit ille suo.  
Nôrat, Pompilium, quo fortunatior esset,  
Regem animum studijs excoluisse Numam.  
Nôrat, Alexandrum factis & nomine Magnum;  
Quo bello nullus maior in orbe fuit:  
Plus ab Aristotelis momenti habuisse sophiâ,  
Quàm, res ad tantas, à Patre præsidij.  
Nôrat, Odysseam, diuinam & semper Homeri  
Iliadem capiti supposuisse suo.  
Hinc, doctum exemplis, cunctos vicisse labores,  
Inuictaque hostes exuperasse manu.

Rex